



**Forum Competens Quæstionibus ex Universo Jure
selectis, atque ad praxin utilissimis illustratum, Seu
Tractatus Canonico-Civilis**

Friderich, Melchior

Ingolstadium, 1709

§. X. An Clericus ad Judicem secularem trahi possit, si convenitur nomine
laici?

[urn:nbn:de:hbz:466:1-61662](#)

cilij rei conventi institui possit, ita ut electio sit penes actorem, quo in loco convenire reum velit, ut observant Illust. D. Schmid & Praenob. D. de Bassis *Semicent.* 2. qq. *For. contr.* 14. n. 10. Quam ultimam rationem etsi n. 216. rejecerim, assertio nihilominus verissima est.

§. X.

*An Clericus ad Judicem Secularem trahi possit, si
convenitur nomine laici?*

S U M M A R I U M.

307. Proponitur opinio negantium, tametsi lis cum laico defuncto cœpta jam fuerit.
 308. Eligitur opinio affirmantium, casu, quo Clericus fuerit successor universalis.
 309. Clericus venditor emptorem laicum coram Judice laico defendere tenetur.
 310. Maximè ideo, quia non in Clericum, sed in emptorem laicum fertur sententia.
 311. Respondeatur ad opposita.
 312. Si colonus Clerici vel inquilinus laicus conveniatur rei vindicatione, & Clericum dominum nominet, conveniri hic solum potest coram Judice Ecclesiastico.
307. Quæstio est, an Clericus, si v. g. sit hæres laici, & conveniatur à creditoribus defuncti, respondere teneatur coram Judice laico. Supponunt DD. post Bartol. in *L. Hæres absens ff. de Judic. & Decium*, Panor. Ant. Butr. in *C. quia de Judic.* ac alios, quos allegant, & sequuntur Covarr. *pract. qq. c. 8. n. 4.* ac Gaill. *L. 1. observ. 37. n. 10.* conveniri tantum posse coram Ecclesiastico, si lis cum defuncto nondum cœpta fuit. Itaque controversum duntaxat est, an idem dicendum sit, si lis cum defuncto laico cœpta pendet. Afferunt post Panor. Imol. Felin. Rotam Roman. M. Anton. *L. 1. resol. 49. n. 2.* Bonacin. *de Legib. disp. 10. q. 2. pun. 1. §. 1. n. 25.* Duard. in *Bullam Cœnæ can. 15. n. 2.* Belletus p. 1. *Disquis. Clerical.* fol. 274. n. 6. Squillante de

Hh Privil.

Privil. Cleric. c. 7. dub. 3. à n. 58. ac aliij, quos refert Delbene c. 7. de Immun. Eccles. dub. 6. n. 6. & Sperelli Fori Eccles. decis. 7. n. 3. ubi communem asserit, Clericum heredem laici non teneri prosequi coram laico Judice litem contra laicum coeptam & contestatam, sed avocare eam posse, ac debere ad Forum Ecclesiæ: eo quod semper militet ratio suæ exemptionis à foro seculari, ac præventio Judicis secularis ipsi nec tribuat, nec tribuere possit potestatem in Clericum.

308. Dicendum esse videtur, teneri Clericum litem coeptam prosequi coram Judice laico. Ita sentiunt Barthol. Socin. L. 3. conf. 91. v. Circa ultim. ubi ait esse communem, Covarr. l. c. n. 2. Farin. L. 1. prax. crim. tit. 1. q. 8. n. 46. ampliat. 17. Cariolan. in Bullam Cœna excomm. 16. Reginald. tom. 1. lib. 9. c. 33. n. 352. Scaccia L. 1. de Judic. caus. civ. & crim. c. 11. n. 23. Carol. de Grassis de Effect. Cleric. effect. 1. n. 282. ubi alios refert. Ratio est: quia hac ratione non tam Clericus convenitur, quam defunctus, & ob coeptum & radicatum judicium coram uno legitimo Judice causa illi est obnoxia, in quemcumque transeat. Neque mutatur ejus conditio mutata personâ hæredis, duratque repræsentatio auctoris, & defuncti, haud secus, quam si vivus superesset, & judicium cum eo continuaretur. L. si quis ff. de Judic. L. cùm quædam puella. ff. de Jurisd. cùm hæreditas transeat cum suo onere. L. æris alieni C. de Donat. ante nupt. Unde corruit ratio pro contraria opinione allata: quia hic non militat ratio exemptionis Clericalis, eo ipso, quod Clericus in tali casu non tam in propria persona, quam laici defuncti, quem repræsentat, convenitur. Dixi autem, Clericum, si sit hæres laici, prosequi debere litem coram Judice laico, coram quo coepit contra defunctum. Quod si enim conveniatur solum ut particularis successor laici, v. g. tanquam emptor, legatus, donatus, juxta Baldum, Panormitanum, Decium, Puteum, Capycium, Moneta, aliquosque complures, quos referunt & sequuntur Alphons. de Escobar c. 51. de Pontificia & Regia Jurisdictione

litione n. 2. & Mendo de Jure Academic L. 3. q. 3. n. 22. con-
veniendus solum est coram suo Judice Ecclesiastico, tametsi co-
ram laico Judice lis copta jam fuerit contra antecessorem seu
auctorem laicum.

309. Similis est illa controversia, quâ queritur, utrum Cle-
 ricus venditor laico emptori ita teneatur de evictione, ut eum
 coram laico Judice defendere debeat. Hoc quoque affirmo cum
 Panor. in C. quoniam §. in alijs *Ut lite non contest. n. 28. Ant. Butr.*
ibid. §. quod si super. Anch. in C. ea quae de R. J. in 6. q. 17. Corn.
 Dec. Bald. ac communi aliorum, quos sequuntur Covarr. cit.
 c. 8. n. 3. Fachin. L. 3. contr. c. 38. Molin. tr. 2. de Just. disp. 380.
 n. 15. Gaill. lib. 1. obser. 37. n. 7. Petr. Barbos. in L. venditor. ff. de
 Judic. Oliva de Foro Eccles. p. 3. q. 30. n. 8. contra Gloss. in C.
 Nullus Clericum 11. q. 1. Castr. Aretin. aliquosque complures, quos
 referunt Fachin. l. c. Barbosa L. 1. Jur. Eccles. c. 39. §. 2. n. 115. ac
 sequuntur Diana p. 3. tr. 1. resol. 25. Ranbek Panopl. libert. Ec-
 clef. disp. 2. c. 2. controv. 2. qui tenent, quod Clericus possit, ac
 debeat vi immunitatis Ecclesiasticae trahere laicum actorem evin-
 cere volentem ad Judicem Ecclesiasticum. Ratio nostræ asser-
 tionis est, quia juxta L. 49. ff. de Judic. venditor emptoris Judicem
 sequi debet. Neque obstat, quod nonnemo hic respondet, hoc
 esse effatum Ethnici nihil scientis de Clericorum privilegijs: ille
 enim pronuntiavit secundum lumen & aequitatem naturalem, ac
 deinceps haec sententia per Imperatorem Christianum vim acce-
 pit, cui quia Ecclesiastici Superiores & Prælati, cum facilè possent,
 non contradicunt, fatentur non violari immunitatem Ecclesiasti-
 cam, nec privilegium fori declinatorum ad tales casum extendi.
 Et erat sane ratio extensionem non faciendi, ne videlicet præjudi-
 cium crearetur actori, habenti jus conveniendi emptorem apud
 Judicem laicum: præsertim cum haec defensio emptoris coram
 Judice laico tam parum dedebeat Clericum, quam parum dede-
 bat intentare laico coram Judice laico actionem.

310. Valida & haec pro hac opinione ratio videtur, quod

Hh 2

in

in venditorem, qui ab emptore laudatus liti assistit, non fertur sententia, sed in emptorem; neque dignitas venditoris attenditur, ut inde judicium immutetur; sicut non attenditur, quando ad defensionem rei Clericus coram laico testimonium dicit. Non ergo Clericalis dignitas per tale judicium despicitur, & æquè parum, aut etiam minus, quam si ipse Clericus agat contra laicum coram laico: cùm in tali casu in Clericum sententia ferri à laico possit, quæ tamen non fertur in causa evictionis.

311. Neque obstat, quod ex *C. si diligenti de For. comp. cit. Can. Nullus 11. q. 1.* aliisque Juribus objiciunt, Clericum non posse conveniri coram Judice laico. Negatur enim suppositum, quod in causa evictionis vendor propriè conveniat, & reus sit: duntaxat enim emptorem conventum, & reum defendit. Illud tamen inde sequitur, & fatentur omnes, si Clericus sit emptor rei alienæ, & rem suam repeatat dominus, aut sit vendor, & emptor re evicti contra ipsum agere velit de evictione, conveniri debere coram Judice Ecclesiastico. Æquè parum obstat, quod objicitur à paritate cum Fisco, qui ad suum Judicem causam avocare potest. Nam juxta communem DD. etiam Fiscus causam evictionis agere debet coram emptoris Judice. Ratio est: quia privilegia inducta non sunt absque manifesto textu Juris, aut ratione. At quod Fiscus non teneatur sequi forum sui emptoris, nullâ lege, vel ratione probatur: nam leges, quas afferunt Adversari, nihil aliud decidunt, quam causas fiscales à Procuratore Cæsaris cognoscendas esse. At causa evictionis, quando fiscus est vendor, non est directè fiscalis, quia est causa emptoris, cuius defensionem vendor suscipit.

312. Notandum tamen hīc est, assertionem nostram non procedere, quando colonus Clerici, vel inquilinus; vel qui alio nomine possidet, rei vindicatione pulsatur, & Clericum tanquam dominum nominat, juxta *C. ult. Ut lite non contest. §. quod si super, & L. 2. C. ubi in rem actio.* Nam tunc Clericus ejus defensionem suscipiens potest ac debet causam ad suum forum avocare, ut ibi

nè tradunt Ant. Butr. *in cit. C. ult.* & Panor. *ibid. n. 10.* Ant. de Burgos. *ad C. ult. de Empt. & vend. n. 17.* aliisque. Eo enim casu Clericus est necessarius defensor suæ rei, tanquam dominus, & non tanquam procurator, judiciūmque in eum transfertur, colono ab instantia liberato. Unde novus adversus eum libellus offerendus est, ut cum Bart. *in L. 2. C. ubi in rem aet.* advertit Panorm. *l.c. §. in alijs n. 28.* E contrario quia emptor rem emptam possidet suo nomine, & non alieno, ut colonus, inquilinus, commodatarius, precariò habens &c. idcirco judicium in ipsum dirigitur: neque emptor laudato suo auctore absolvitur ab instantia, nec adversus venditorem novus libellus offertur. Quæ causa est, quod etiamsi agatur coram Judice laico, & venditor sit Clericus, non tamen iste dici poterit litigare coram Judice laico, sed tantummodo defensionem emptoris suscipere: sicut procurator, qui ex eo capite, quod alium defendit, alieni fori non efficitur. Ex quo consequens est, gratis aliquos dicere, si lis contestata cum emptore jam fuerit, debere venditorem litigare coram Judice emptoris; secus, si contestata nondum sit. Si tamen Clericus venditor ultrò susciperet in se judicium, & suo nomine causam prosequi vellet, male & invalidè ageret, & Judex secularis eum admittere non debet, ut cum communi & recepta DD. obseruant Barbos. *l.c. n. 144. & 148. ac Oliva l. c. n. 11.* quia tunc ultrò se subiiceret potestati seculari contra decisionem *cit. C. si diligenti & C. significasti de For. comp.* Et in hoc sensu procedit sententia negans à Clerico posse defendi laicum emptorem in Judicio seculari.

§. XI.

*An Judex laicus aliquando contra Clericos
procedere posset.*

S U M M A R I U M.

313. *Judex secularis jurisdictionem exercere potest in Clericum*
Hh 3 *actua-*